

**GÜNTHERI  
CHRISTOPHORI  
SCHELHAMERI ... DE  
NOVA PLANTAS IN  
CLASSES DIGERENDI...**

---

Günther Christoph Schelhammer



CONSTITUTIONAL  
JOURNAL

OF THE  
JOURNAL OF THE CONSTITUTIONAL

NOVA PLANTAS

IN CLASSE  
JOURNAL

OF THE  
JOURNAL OF THE CONSTITUTIONAL

OF THE  
JOURNAL OF THE CONSTITUTIONAL

OF THE  
JOURNAL OF THE CONSTITUTIONAL



HAMMERS  
OF THE CONSTITUTIONAL



VIRI INGENII NOBILITATE, EXCELLEN-  
TIA DOCTRINÆ, ET RERUM EXPERI-  
ENTIA PRÆSTANTISSIMI;

*Parique honoris cultu omnibus prosequendi.*



Emerarius videri possem, quod  
VOBIS, Tibique cumprimis, RIVI-  
NE DOCTISSIME, tam in juventu-  
te formanda, quam arte excollenda,  
exercendaque occupatissimo, intem-  
pestive obstrepam, & alieno me immi-  
secam negotio, quod ad me nihil vi-  
deatur attinere: dum de rebus inter  
vos controversis sententiam meam in-  
ponere ausim: præsertim si forte contingat, ut, quod manu  
porrigo dextra, bonaque fide, sinistra prehendatur, & inter-  
pretatione corrumpatur prava, quasi ego judicem me constitu-  
am atque arbitrum, in re difficilima, & botanicis hujus seculi  
maximis facessente negotium.

Verum enim vero, non ea mihi mens est, nec adeo sum  
meæ conditionis, & ingenii mediocritatis immemor, ut tantas  
componere lites, & ea assequi confidam, quæ aliorum industri-  
am effugiunt. Facit autem publicum bonum juvandi studium,  
cui me a puero totum devovi, simul & ille quo utrumque V. B.  
STRUM tacitus huc usque prosecutus sum, propensissimus  
affectus, & existimatio, ut quæ a VOBIS nuperrime prodiret

perlegenti in animum venerint, ad VOS referam: si quid forte lucis rebus obscurissimis, quæ VESTRA etiamnum ingenia exercent, affundere contingat. Rationem quæritis ac modum, quo res Herbaria, ampla, nimis ac diffusa in compendium mitti, animisque discendum, descripta velut in tabulis, eo modo quo a Geographis depingi orbis terratum maximus solet, breviter & expedite omnis sisti & exhiberi queat. Quo in opere elapso seculo occupati fuere docti Medici fere omnes, Rei literariæ Patoni non pauci, alique quos officii ratio, herbarumque ac florum pulcherrimum, jucundissimūq; spectaculum ad sui cultum pertraxit: hujus vero initio *Fab. Columna*, *Andreas Casalpini*, *Adrianus* postmodum *Spigelius*, *Caspar* & *Johannes Bacchini*, ad id penitus nati, alique plures; deniq; *Robertus Morison*, quem in medio opere occupatum videre mihi olim in Anglia licuit, Tuq; JOH. RAYE celeberrime, & quem Indicas Naturæ gazas plenis Calathis inferentem universa modo stupebat Europa, nunc acerbo funere erectum viventium numero dolet, decus patriæ suæ *Hermannus*.

Quorum omnium summo labore eo res deducta est, ut nihil hodie videatur superesse, quam, ut ortam inter flores & semina cum perianthiis & capsulis suis de sceptro in Floræ regno obtinendo litem decidamus: Et hæc ipsa est quæ inter vos agitur præcipue controversia. Quæ cum tanti sit momenti, ut minus gloria celeberrimi nominis vestri, quam Naturæ scientia in discrimen adducatur, ad quam quisque politionum medicorum adspirat, æq; Vobiscum in partes admittendus: tanto promptius veniam dabitis, neque ab his remoto, neque omnino horum rudi, quin a prima adolescentia huic studio addictissimo, si sui generis hominibus in his passim occupatis, Diogenis exemplo dolum quoq; suum advolvat, & quaecunque in commune conferat symbolum.

Ut autem de universo quod agitur, negotio certius constet, paulo altius res omnis herbaria repetenda, & a primordiis reco-

len-



lenda videtur: monendum vero cumprimis, esse plantarum notitiam omnem Naturalis Philosophiæ partem, unde accipere Medicos ac petere convenit, quid planta, quotuplex, quæ ejus partes, quis ortus, cultura, incrementum, interitus, quæ proprietates & virtutes, primæ saltem ac simplices: eaque in usum suum mox convertere, quod quidem earum in officina recipi, indeque dispensari in afflictæ valetudinis restitutionem meruere, neglectis tantisper quæ extra usum sunt; prout hæc dudum monuit, & accurate distinxit vir *πολυμαθὴς* & omni sanioris doctrinæ genere longe maximus *Hermannus Conringius*, in *introductione, ad Medicinam*, a me ante annos aliquot additamentis aucta, ac denuo edita. Quoniam vero negligentius id agunt illi, quibus competit: ut solet inter ipsos fere de primis principis rerum prolixè & acriter disputari, sed de corporum naturalium generibus ac proprietatibus agentibus tardiuscule res procedit: Hinc videmus factum, ut Medici quorum interest ea sibi constare, manus admovent operi, & Naturam Dominam coerent insensius.

Et hoc ipsum est, quod permovet supra celebratos doctissimos viros, & alios permultos VOSq; adeo ipsos, ut cum *Casalpino*, Philosopho æque ac Medico insigni pariter his darent operam: Quod veteres Medicinæ Antistites nunquam erant aggressi. Antiquis quippe temporibus, cum Medicina paucarum adhuc esset sententia herbarum, minime id necessarium videri poterat. Accipiebant enim a doctoribus, discipulisque facile tradebant veluti de manu in manum paucarum istarum notitiam universam earum disciplinam, & in classes suas collocandi onus Philosophis relinquentes. Unde & illas ipsas, quæ in medendi arte locum obtinuerant, adeo negligenter ab ipsis descriptas ceprehendimus, ut vix quicquam aliquando apud ipsos præter unum nomen legatur. Quod tum recte fiebat, magnoq; artis compendio: quid enim attinebat, aliena, & ad se minime pertinentia tot alijs iisque gravioribus occupatos curare?

At postquam sequentibus temporibus incumbens subito orbi literato fatalis barbaries ita disciplinas omnes corrupisset; ut simplicium ab iis laudatarum periret omnis memoria, nec constaret amplius, quænam illæ sint, quas hoc vel illo nomine nobis ad morbos abigendos commendassent, veras ac genuinas eruere & a spuriiis discernere, unice erat necessarium. Quo in luso perdiu hæserē viri doctissimi complures, ut labor iste fuerit integri quod ad finem nunc properat seculi. Accidit interim, ut, cum undique essent conquirendæ, quo iudicari de ea re curatius posset, numerus earum sub manibus perquirentium in immensum sensim exeresceret. Igitur ut earum tanta multitudo atque varietas ex qua eligendæ nobis nostræ sunt, animo comprehendere posset, de certo ordine quo traderentur, merito & ex necessitate quadam cepit hæc nostra ætas esse sollicita.

Ad quod summa quadam genera constituenda, sub quibus tanquam sub signis in agmina coeat amplissima illa, ac diffusissima per orbem Flora familia, totusque plantarum numerosissimus exercitus veluti in acie collocetur.

Quia nō re tamen, ne omnino nihil præstitisse, videri queat universa Antiquitas, facit potissimum, illius incomparabilis Aristotelis discipuli, *Theophrasti Eresii* duplex opus: longe nobilissimum ad hoc, nō partim mutilum, partim corruptum ad nos injuria temporum pervenisset. Hic enim, etsi non omnes, quas Natura fecundissima mater e sinu profert, cognoverit imo earum forte vix partem viderit centesimam, quantum tamen sat esset ad summa illa genera nobis commemoranda utique earum videretur habuisse perspectas. Nullam enim omisisse deprehenditur, dum in arbores, frutices, suffrutices ac herbas eas dispescuit. Hæc itaque divisio omnibus placuit, per plus quam XXIV. secula, viris *Βοτανικός* etsi *Φρύγαν* vocem omissa a Theophrasto descriptione, (nam eam quam Liber I. cap. 5. exhibet frutici potius convenire Spigelius monuit) alij aliter in-

terpretarentur! Quandoquidem vero iu sub ordinandis mediis generibus multum obscuritatis in opere temporum iniquitate lacerato occurrebar; ideirco Medici antecessores nostri semper *Dioscoridem* potius in oculis habuere, tanquam suum, & relictâ illa communi plantarum divisione, ad inferiora quæ illi nominatim descripsit, quotquot occurrebant, reducere sunt conati; neque id irritò succesu, ut miraculi simile videri queat, tot novis & omnibus veteribus incognitis repertis, suffecisse tamen adhuc genera ab eo tradita, istis omnibus Europæis saltém, Asiaticis, & ultimis Africæ litoribus familiaribus complectendis: solis utriusque Indiæ exceptis, ut de novis adjiciendis in novaturientissimo seculo haut facile cuiquam in mentem venerit; cum tamen is neutiquam universum plantarum ordinem describere instituisse sed illos tantum commemorare, quarum aliquis in arte quam profitebatur, usus esset. Casu itaq; evenit, ut, dum ex omnibus earum generibus petendæ quædam Medicis essent, ex nullo non unam aut alteram commemorare sit coactus; accadatque Medicinæ cultoribus idem in Natura quod in Historia illis, qui res gestas Romanorum cupiunt addiscere, cujus scriptores dum suæ gentis memoriam condunt non unius urbis, sed omnium populorum illo ævo florantium acta referre videntur.

Ex hujus autem *Dioscoridis*, tum & *Galenî*, *Aëlii*, *Eginetæ*, *Plinii* aliorumque brevitate, & veluti superficialia plantarum descriptione evenit paulo ante memorata de veris, iisque intellectis patrum avorumque temporibus prolixa ut laboriosa disputatio. Cum enim tanquam cum illis agerent Medici, quibus jam antea sint notæ, viribus earum exponendis potissimum intenti, in proclivi erat, tenebris illis de quibus dixi, universæ rei literariæ offusis, illarum quoque notitiam illam de manu in manum tradere solitam, turbata temporum serie abrumpi, misereque confundi, Ex quo renascentibus iis, artis instauratores in ea recuperanda ante omnia occupari par erat, ut quas-

nam



nam intellexerint auctores antiqui, hoc vel illo nomine certo constaret, ne frustra ab alienis facultates genuinis adsignatas expectarent. Ubi, cum in varias irent sententias, enata hinc sunt tot nomina uni indita, alio hanc alio illam appellationem ipsis tribuente, prout jam olim in addimentis ad Illustris Conringii introductionem ostendi. Quas tandem litteres plerasque *JOH. Andreas Matthiolus* sopivit, & *Caspar Bauhinus*, conscripto pinace, tantum non colophonem operi imposuit.

Hoc labore denique peracto, non minus magno quam necessario, quippe cum pedem proferre, nisi eodem exantlato, nunquam lieuisset, tempus atque res postulabat, ut accuratius omnibus examinatis quid recte, quid secus actum sit, expendere, & *ex æquis* exigenter omnia, illo exactam plantarum historiam condere liceret. Quam meditatus jam tum erat felicissimus *Plinii* interpretes *Dalechampius*, delineaverat, sed levi manu, in elegantissima Isagoge Plantarum, *Hadrianus Spigelius*, tentaverat etiam *Rembertus Dodonæus*, *Roannes Ruellius*, & supra laudatus *Andreas Cæsalpinus*, incredibili diligentia perficere laboraverant *Bauhini*, omnes qui antecesserant, multis parasangis post se relinquentes: quorum nisi maxima, & veluti excommuni sanguine orta fraterna in hæc conspiratio muniisset viam, perfectum opus dare, & ad finem, tam animose contendere nondum facile cuiquam mortalium lieuisset.

Cum autem in *Bauhinianis* conatibus, quos altero suo Theatro immortalis, alter tantum fratrum Generi etiam opera adjutus tandem absolutos vidit, multa adhuc confusa, obscura, & extra ordinem suum collocata comparerent, ejusque rei reperiretur causa, quod norma, ad quam quasi ad Regulam Lesbiam singula exigere, fuissent destituti, cum promiscue modo a Florum, modo foliorum, radice, seminis similitudine denominationes specierum arcescerint, venit in mentem *Morisono* Tuo, RAJE, a Columna ac Cæsalpino submonito, tribique



tibique mox etiam ipsi , An non certum quid & quod firmum sit , & quidem inter ipsas plantarum partes, invenire liceret , ex quo verum cujusvis genus colligeretur. Digna tantis viris opera , & cujus nomine æternas VOBIS , si perficere liceat, Philosophorum scholæ , & ventura longe secula debebunt gratias.

Ast non minus difficile esse quam pulchrum, postquam susceptum est , Vobismet ipsi testes estis luculentissimi. Ut-pote qui sub ipsis statim initiis in diversas ivistis sententias : *Morisonus*, qui doctissimum *Ammannum Hermannm*, præcones ac sequaces invenit, a seminibus eorumque capsulis id beneficii expectante, TE vero modo ex his modo ex floribus cum perianthio dijudicandum genus earum existimante. Quibus intercedens denique, RIVINE OCULATISSIME, eliminatis penitus seminibus, unicum florem cum suis involucris sufficere opinatus es. Et hoc primum Vobis dissidium, idque maximum: alterum præterea , An retinenda sit recepta in arbores, frutices, & suffrutices divisio. Quod alter vestrum negat, alter eam admitti quidem posse, sed negligendam tamen in præsentī negotio, arbitratur.

Accipite ergo, VIRI CELEBERRIMI, quid de utraque controversia penitus illam consideranti dubii sit natum, & non oppugnanti sententias vestras, sed monenti, quæ obstare videantur, benevolas præbete aures, mentesque.

Rerum naturalium quosdam esse ordines, quibus unum alteri sublit, & veluti ad cohortes revocari possint singula; & ita quidem, ut a summis ad ima per intermedia plurima animi descendat contemplatio, nemo dubitat. Distribui autem cuncta in inferiora, nisi per essentielles rerum differentias, prorsus non possunt, si non loco Naturæ confusum Chaos exhibere, vel Naturalis historiæ in vicem svavem narrare velimus fabulam. Quæ quidem essentielles differentiæ si essent nullæ, res nulla ab altera penitus differret: dicitur enim Essentia ab Esse, ut Essentia differre sit *ἕνους ἑτερόν τι*. Quod negare est cum natura

pugnare. Si ergo res differunt, per essentielles cumprimis differentias differunt, ac discernuntur. Quæ autem extra essentialiam ipsis accidunt, non aliam reddunt, sed eandem modificant. Eas igitur & in plantarum serie enumeranda sequi par est, & a VOBIS haut dubie illæ ipsæ etiam quærantur, etsi non lubuerit eo nomine uti Morisano, novæ rationis auctori; sive quod fastidiret Aristotelis sectatoribus, seculo exosis, familiare vocabulum, sive quod ipsum ignoraret, vel non satis caperet: nullibi minus quam inter suæ gentis homines istius scholæ æque ac omnis antiquitatis dogmatis, Græcæque sapientia in pretio existente: adeo ut ex Britannia primum in reliquas Europæ partes contemptus receptæ Philosophiæ, etiam ante Cartesium, videatur emanasse. Quod equidem, quo jure, quæve injuria acciderit, non meum jam facio excutere: hoc interim dissimulare non possum, istam, qua modo sum usus, loquendi cum antiquis rationem, præ altera ac nova mihi arridere, neque apparere, quid Morisonum, hominem exterum potius sequi sive debeat, quam usum, optimum dicendi magistrum, præsertim cum nulla ex ista verborum versura sit speranda nova utilitas, sed potius pro nota omnibus, & Philosophorum exactis expositionibus perspicua Idea, confusa nobis obtrudatur. Omnia enim nova receptis obscuriora sunt, indeque erroribus generandis facile obnoxia: quo incommodo ista terminis suis circumscripta carent.

Quo tamen omnis removeatur dubitatio, nec quis in verbo etiam perspicuo iis qui in scholis versati sunt, offendiculum inveniatur, dicendum quid sit essentialis differentia. Hanc autem pater esse, qua res qualibet a reliquis omnibus sub eodem genere collocatis exacte dignoscitur. Talem vero ex illis ipsis, quæ rerum essentialiam constituunt, arcessendam esse, dubium esse nequit: quænam igitur illæ sint, si quid, certi hic asserendum, expendi oportet.

Qua de re ita olim sentiebant omnes: Res quaslibet duabus partibus

partibus essentialibus gaudere : materia & forma. Ex hac potissima tamen potissimum rem esse quod est, eamq; adeo omnis essentialis differentia esse principium : unde & Rationem formalem eam vocabant, & magis Barbari specificam, quod in species, hoc est geneta inferiora, quæcunque discesceret. At cum ex his sciscitaretur aliquis postea, qualis sit illa formalis ratio, quæ forma rerum, hærebat aqua doctoribus istis, & vel loliginem affundebant, vel mutiores reddebantur illico quam pisces; formas accidentales ( ut loquebantur ) patere quidem causati, at essentielles ( de quibus quærebatur ) esse humano ingenio imperscrutabiles. Quæ sane doctrina non est mirum, si recentibus displicet, qui sibi verba dari nolunt, sed rem perspicere. Hac itaq; relicta quærenda erit alia ratio formæ, qua corpora invicem de essentia discernantur, & forte materia in partes vocanda est: quod jam tentabimus.

Primum itaq; hoc mihi largiri velim, quod omnes facile admittent : Omnia ex suis partibus fabricata subsistere : nullum enim corpus naturale ita est simplex ac prorsus uniforme, ut in partes dividi non possit, etsi aliud alio magis minusve compositum deprehendatur. Hoc vero concessio, non erit forte difficile, in quo consistat essentia rerum naturalium, eloqui : Nam in partibus, quæ in integritate eas constituunt, esse quærendam, patet. Illæ enim sunt quæ dant esse rebus suis, quibus quippe sublati, res perit, quænam igitur illæ sint partes, inquirendum.

Et vero jam tum illud constat, materiam ac formam, qualem sibi ac nobis finxere antiqui, nos hoc nomine hautquaquam dignari: Quantumvis enim in quibusdam admittenda videri possit, tamen haut ita est. Sunt enim corpora naturalia quidem partim animata, partim inanimata: Quæ animata sunt, quid animet prorsus in occulto est, idq; (propter causas manifestas) sciri nequit, quas hic producere nihil attinet: Esse tamen aliquid a corporibus illis diversum, satis ostendit, quod ab iis per mortem separatur: hinc certi colligitur, ad illud, qua tale, id ipsum principium, sive animam

animam velis sive quemcunq; spiritum, plane non pertinere. Hoc in ipsis etiam plantarum seminibus recentibus adest, effatis deficit, neque tamen earum videtur habenda pars, sed spiritus intrusus agens, a calore & humido agitatus, qui in his citius, in aliis post plurimos demum annos excedit: non enim a sola induratione ac pororum tubulorumq; collapsu esse, quod fiant effæta semine, adeoq; ipsi materiæ adscribendum dispositioni, hoc unum docet, quod alia diutissime adeo possint asservari, ut Amaranthi per decennium, alia intra biennium corrumpantur, & fiant inutilis, ut Nasturtium, Petroselinum. Hoc autem, quia excedit, tacitumq; illis integris, elabitur, in censum partiū venire, non est æquū cum a corpore suo separatum & diversum esse, ex dictis facile colligatur. Verum de hoc mox plura: id patet, eo relicto, ex iis quæ ipsum corpus constituunt, essentialē differentiam petendam esse. Hoc de animatis: Inanimata porro, cum hoc principio careant, nulla de ejusmodi occulta forma suspicio in his est, sed in ipsa materiæ dispositione & partibus quærendam esse essentia rationem, patet. Hic vero statim advertitur, Inanimata plerumq; esse similia, animata vero cuncta dissimilia.

Est autem longe alia similarium ac dissimilarium ratio: illa enim sibi ubiq; similia, ex unius materiæ simillimis partibus (reapse tales sint, an occultent varias, in unum corpusculorum genus concretas, non est hujus loci disputare) conflata, quamdiu illæ manent quales sunt, eadem etiam ipsa censentur, etiam notabili sui parte diminuta. Dissimilarium vero quædam ex similaribus, sed diversigenis, quædam ex aliis ipsis etiam dissimilaribus partibus componuntur: & harum alia plures, alia pauciores sunt nactæ, nonnullæ etiā paucissimas.

Quod quidem omne ex ultimo fine, ad quem data sunt, pendet: quem, quam diu Cartesiani, aliiq; novatores insuper habere pergent, nunquam in naturalium rerum historia felices facient progressus. Quod liquidō patet: quippe qui unice in oculis fuit naturæ fabricatrici.

Nam in partibus animalium formandis ad victum vitæq; genus



nus se accomodavit. Hinc quadrupedia unguibus, dentibus, iisque diversissimis, oris hac vel illa figura, maxillis robustis vel imbecillis; rostro prominulo, acuminato, reflexo aves, pennis item ac alis ad volandum, quia ex arborum fœtibus fruticumq; ipsis victitandum erat; pisces pinnis, & flexili spina, suis in id musculis instructa, ad velociter se in aqua versandum accommodatis suisq; pariter ad captandum, pugnandum, evadendum, armis ac machinis exornati incedunt. Quod nemo digne satis docere & explicare poterit, nisi qui ad το αἰσ' η̃ γ το & ἐρενα subinde resperxit. Hinc partium (maxime dissimilariū) ratione animalia sunt, quæ sunt, & agunt ad naturæ cujuslibet instinctum modumque: quo enim quodlibet est magis perfectum, & operationes edit plures ac nobiliores, eo etiam plura & exquisitiora obtinuit organa: & prout in hoc vel illo elemento versatur, vitamq; degit, modo hæc modo illa nactum est præsidia, tanta varietate, ut si ad insecta & aquatiliū postrema genera usq; descendas, non facile viscus vel organon cogitaveris, quo non horum aliquod destituatur. Quapropter in his dissimilares præ ceteris spectandæ sunt, quæ incurrunt in sensus, suntq; notiora nobis, & constituunt animalis essentiam proxime, ut similes sunt priores notioresq; natura.

Quæ itaque illas easdem habent animalia, ejusdem esse generis recte putantur, si eodem etiam modo dispositas; at si diverso, remotioris, ut canes, vulpes, reliqua terrestria quadrupedia, quæ in plerisq; conveniunt, quantum ad numerum, ac figura ac positu differunt: unus ex terrestribus homo bipes est. Quæ autem novas plane partes exhibent, & quibus reliqua penitus carent, novum & supremum constituunt genus: ut ex hac potissimum re Gradantiū, Volatiliū, Natantiū, Serpentiū, Amphibiorum, & Insectorum nationes distinctæ sint. In quorum inferioribus deinde generibus describendis non una tantum aut altera, nec solus partium numerus, sed universæ, & omnium σύνθεσις est spectanda, inq; his substantia, numerus, figura; positio deniq; ac fabrica tota. Ex his sane actiones speciebus singulis sunt

propriæ; atqui ex ipsa illa essentia emanât. Quod si addas sanguinis ac spirituosî fluidi conditiones intimas, singulariũ quoq; omnium gestus, consilia, & agendi rationes earumque genuinos fontes reperies.

Et hoc ipsum sane, complexum puta proprietatum similarium, dissimilariũq; partium universum, Aristoteles formam vocavit. talemq; non aliam fancivit: quod haut poterat esse obscurum, si mens non læva fuisset Latinis interpretibus, qui non satis intelligentes, & e longinquo per nubem adspicientes solem istum, spectrum quoddam meteoricum pro forma nobis obtrusere: prout in proclivi foret ostendere, nisi id jamdudum in sua *Introduetione in naturalem Philosophiam*, aureo, sed rarissimo opusculo, nec completo; sed nec ad incapacem eorum arcanorum seculi Genium composito, fecisset Summus Philosophus ac Polyhistor *Hermannus Conringius*. Sed redeo in viam.

Alia corpora habent dissimilares alias, alia similes etiam: quæ ergo has quoq; diversas oculis sistunt, maxime sine dubio distant, totoq; supremo genere; quæ his conveniunt, quo pluribus, eo magis affinia existimanda. Nam ex illis, quæ docere differentias animalium, & formam adeo constituere proxime afferui, substantia, seu mavis, materia (non ambigo) est primum, cujus reliqua sunt modi, terminique: at istam organicis partibus similes largiuntur: ideoq; primo statim loco in hac acie collocandæ: atque ita supremi generis hinc indagatio pender.

Necessum enim plane est, ut quæ sub uno supremoque genere distant, vel unam partem communem sint nactæ, qua cohæreant inter se & Unum judicentur, ea vero reperta maxime essentialis pronuncietur. Talis in animalium omni genere, (lubet enim in hoc, tanquam luculentissimo exemplo, & a quo commode ad vegetabilia deflectam, perficere quod incepi) quæ cunctis adfit, est fibra motrix ac sensilis: motu enim & sensu nullum eorum destituitur, adsint ergo instrumenta ad hæc ipsi necesse est, quibus utatur. Est forsan præterea, ad alimentum succumq; parandum, unicuique vel unum viscus proprium, vivant enim

enim necesse est , capiantque incrementum. Ex quorum numero ne mucilaginosâ quidem eximendâ existimo, vilissima licet. Nam ipsa urtica maris neutiquam iis caret, & quod *Seeflaggen* appellant hujus nobilissimi portus accolæ, innoxium genus, totum cristallinum & molle, fibrosi quid per medium sui ostendit, quo etiam quamdiu in suo elemento versatur, indefinenter se contrahit, expanditque: præterea in medio foramina quatuor apparent, oculorum forma, quæ digitus totus subit, visceris, ut suspicor, vices sustinentia, aquamq; admittentia in animal. Fibra igitur est, quæ hoc abjectum & postremo loco habendum, animal notat, eademq; supremum omnium genus sola constituit, cum omnibus reliquis similaribus ac dissimilaribus partibus sint quæ careant, hac nullum: quo autem magis perfecta ac nobilia, eo pluribus, magisq; compositis gaudeant partibus. Ex quibus puto jam constare, unde divisiones corporum naturalium in universum petendæ sint.

His ita constitutis ad plantas fiat jam translatio dogmatum, ut pateat tandem, quo pacto & ex quibus essentialis earundem divisio erui oporteat. Pertinere vero eas ad corpora naturalia dissimilaria, extra dubium est, cum nulla reperiatur, quæ ex una tantum parte constet: nam & tubera cortice aut membrana aliqua involvuntur, nec fungi, illarum abortus (mucilaginosi inter animalia vilitate comparandi) ea destituuntur, citra quam nullo termino circumscripti, nec magnitudinis haberent modum, nec figuræ, sed in rudem ac inconditam molem excreverent.

Quæ autem in universum sint partes essentielles plantarum, non levis est auctorum inter se disceptatio. Cum enim nulla reperiatur, qua aliqua earum non careat, in universum de iis referre, difficile est: nam quicquid ab aliqua re abesse natura, citra ejus interitum, & salva integritate potest, id ad ejus essentiam minime videtur pertinere. At abest a planta alia semen, (nam capillarium efflorescentias in dorso foliorum esse semina, nec microscopiorum fide, nec alia ulla ratione satis adhuc evictum video) ab alia flos, ut fico: alia & foliis caret, ut *Juncus acutus*,  
alia

aliarum, caule, ut ficus Indica, deniq; his omnibus Tubera subterranea, fide ceteris non fallunt auctores; nam de Tartusolis quidem frustra id prodidere, decepit enim incautos tempus, quo reliquæ partes periere: ut in omnibus bulbosis quotannis fieri consuevit.

Hoc vero ipsum dubium & antesignanum Theophrastum, & reliquos plerosque auctores videtur male habuisse, tantiq; fuit visum momenti, ut nemo essentialem plantarum differentiam sit tradere ausus, vel suam pro tali tendere.

Cujus tamen rei nulla fortassis erat causa satis idonea: nam in historia animalium non modo eadem difficultas, sed multo etiam major. Nam in his quoq; perinde ac plantarum regno alia imperfecta, alia perfectiora, quædam perfectissima multo maxima præ his nostris diversitate. Quare suspicari licet, in principio aberratum a via, & hinc, (ut fieri in rebus omnibus necessum est) longius subinde a vero animos recessisse. Si enim recte calculū posui, ut fibra motrix & sensibilis (seu carneam ac nerveam mavis) omnibus animalibus communi & inevitabili lege data, sic plantæ vegetabilis, ut forte asseverare liceat: Omnem plantam conflatam ex fibris intercurrente medulla, & utriculis, qui loco viscerum sint (unde Græci illam *ἐγκέφαλον αὔλαγγον*, vocarunt) ac omnium deniq; operimento, & munimine adversus leviores injurias. Utriculos implet succus vel aer, utin animalibus perfectis loca consimilia spiritus & sanguis; in imperfectioribus æmulus vel succedaneus liquor.

Neq; venis carere ac ductibus plantas existimandum, quin in multis oculis patent ex ruptis colorato succo copiose emanante; aeris ductus trachæasque, etiam his adnumerabimus, quæ omnia tam in radice, quam trunco & cortice reperiri constat, atq; hæc ita se habere, præclari scriptores nuperi. & in his sine pari, *Nehemias Grew, Marcellus Malpighius*, aliiq; satis reddiderunt certum, oculi oculati, hoc est, vitris armati, testimonio nitentes.

*Per fibras autem intelligimus filamenta in longitudinem porrecta,*  
ad



*ad vegetabilium robur, ac consentientiam: Per venas canales ad succum deferendum datos.*

Integumentum nobis est, *quocunq; planta regitur*, siue jam membraneum illud sit, siue durius ac asperum, in ejus tutamen uti & passim succiaerisq; ductuum gratia concessum.

Utriculi vero sunt spatiola, in fibrarum interstitiis ac medullari parte nata: quæ qualis sit, alii dixere, ego presius dicam: *mollior nempe, & carniparenchymatica animalium similis, ac officio respondens.* Succuo vero & aer notiora sunt quam ut a me explicari desiderent. Tot ergo esse partes plantarum communes mihi videntur.

Netamen quicquam, quod in illis sit obvium omitamus, videtur porro addendus hic spiritus quidam Architectus intime lis adunitus (forte in calido aliquo interno vel substantia promptissime mobili positus, vivit enim hyeme, in multis, & frigori fortiter resistit, aq; calore primum animatur) cujus beneficio, tanquam primi motoris, vegetantur ac crescunt, eo vero destructo, intereunt: paucis: principium illud vitale, de quo antea etiam mentio injecta est. Talem equidem adesse, & sub ipsis nivibus ac glacie suum urgere opus, testimonia plurima adsunt, quæ in medium hic asserre, necessum non est, cum a scopo nostro illud nunc, quidem sit remotius. Interim omnes plantarum partes (quæ sententia quorundã hodie est) in semine contineri, solasq; harum extensione eam crescere, tam longe abesse a vero opinor, ut potius cum sensibus & ratione pugnet. Alta sane naturæ voce reclamant fructuũ & in his seminum tot sibi per annos succedentiũ myriades; neq; enim ovaria nobis in semine fingẽt isti tot millenis millenariis foliorũ seminumq; fœcunda, quin uteri plantarum novi, modo inanes, modo fructu pleni quotannis succrescunt, folia vero non nisi in paucis seminibus, eaq; vix binarium numerum excedentes conspiciuntur. Verum hæc obiter. Cum autem supra recensitæ plantis sint cunctis, nec ulla horum aliqua careat, licebit forte plantam nunc definire, quod sit *Corpus naturale ex fibris vegetabilibus, utricularibus spatiolis in earum medio formatũ venis & ductibus aereis constans, corticeq; cinctum, humore & spiritu vegetabili agitatũ.*

Ex hac definita plantarum natura, adeoq; essentia, & partibus ibi

memoratis essentialibus arcessendam esse primam, summamq; differentiam earundem, nemo rite expendere momenta rerum assuetus potest dubitare.

Utrum vero ex omnibus, an vero quibusdam solum, & ex quibus, nondum perspicuum est. Nam omnes ac singulæ videntur in plantarum generibus esse diversæ. Maxima de spiritu incidere suspicio potest, cum qualem ille producat internam pororum fibrarumq; rationem, talis inde planta exurgat: Dabitur ergo huic primus locus. Hic in semine diu delitescens, calore solis vel ignis, tanquam ex alto sopore suscitatus, primus omnium adest, succo subministrato, illico magnum opus incipit, perpetuoq; in actu est, isq; haut dubie singulis plantis suis. Nam pro idea vel potius motu huic fabricatori insito, divinitusq; commisso, qui ad finem cujusvis accommodatus est, illæ quæ non adsunt in semine partes, maximeq; fibrillæ, utriculi radices, caulium, ramorum, qui floribus, fructibus, seminibus, foliis, quotannis procreandis sint aptissima, fieri, perquam credibile est: quippe quæ per solam accessionem novæ materiæ, nullo directore, ex sola pororum varia specie concinnari, vero nequaquam videtur simile.

Et hoc ipsum est, quod recentes illos Latinæ scholæ magistros in magnum adeo abduxit errorem, ut cum forma Aristotelica hunc confunderent, idemq; putarent, sicq; substantiales in substantiis formas illas statuerent. Quæ sententia meritò bilem & indignationem hodiernis, & simul in illum quem profitebantur philosophiæ auctorem, odium concitavit, cum tamen non minus ab hoc, quam ipsa veritate universa ista doctrina nunquam non fuerit remotissima.

Neq; enim ille a materia formam suam remotam voluit, quin sine hac aliqua ne existere quidem illam posse, ubiq; inculcar. Est autem hic spiritus qualecunq; tandem subtilissimum fluidum, inclusum in illa, adeoque in computum partium nullo modo venire potest, non magis quam succus, quem partibus plantarum eadem absurditate accenseri putandum est, qua sanguinem, ceterosq; humores recentes Medici ex ignorantia Philosophiæ, humani corporis partibus addidere. Accedit adhuc, id quicquid sit fluidi, cognosci ac deprehendi quale sit, a nobis plane non posse: id quod totam illam Latinorum doctrinam inutilem reddit

reddit ac vanam. Subduxit enim oculis hoc ens efficacissimum Conditor universi Deus, & imperscrutabili sapientiæ suæ noscendum servavit. Nec per rerum naturam complecti animo eum licet: quicquid enim sensibus non patet (frustra contradicentibus recentissimis quibuscunq;) ejus existentiam testantur quidem, & proprietates aliquas patefaciunt effectus quos edit, ac operæ, at ipsum in occulto est: substantia omni, non nisi qua visibilis ac palpabilis, innotescente. Habeant ergo sibi suas substantiales formas, sive formulas isti, nos autem hoc subtilissimum corpus missum faciamus, quos non hujus, sed planta ab ipso animatæ ac formatæ essentiales differentias cognovisse juvat, quæ in ipsis partibus quærenda venit, minime in hoc fluido, ab ipsis penitus separato.

Ex horum autem numero quoniam humores quoq; eliminavimus, superest, cætera perlustremus. Sunt autem reliquæ nobis ex similari-  
bus partibus *Fibra*, *Medullaris substantia*, *cavernulis suis*, seu *utriculis*, ut solertissimo *Malpighio* appellare placuit, *conspicua*, *succi Aërisq; ductus*, & *Integumentum*. Nam licet idem celeberrimus *Malpighius* fibras omnes cavas, & succo turgentes viderit, videntur tamen a Venis succiferis distinguendæ: siquidem & Carnæ animalium fibræ succi & sanguinis sunt plenæ, a vasīs tamen longe diversæ. Respondent autem vegetabiles plantarum animalium motricibus. At reliquæ partes modo enumeratæ, etsi pariter cum his perpetuæ sunt, tamen haut dubie multum ipsis inferiores, ministræ quippe fibrarum, illisq; succum vel præparantes, vel afferentes, *Integumentum* etiam ad eas tutandas penitus natum. *Medulla* vero nec omnibus quidem adest, ni forte quemvis utriculorum ordinem, etiam mediis aliis insertū eo digneris nomine: subit vero viscerum infimi ventris locum, si quid video, ut *ductus Aerei* pulmonis. Unde trochæ *Malpighio*, ac spirales fistulæ, quod nomen non modo voluminibus suis, sed officio quoq; forsân tuentur: in quercus sane vesiculis pulmonalibus simillimæ eidem gravissimo Naturæ mixtæ sunt reperti. Qui autem *succum devehunt*, ratione muneris omnium vilissimæ sunt, & in hac machina nil nisi canales, tanta præterea, figuræ ac viarum varietate, ut ad differentias plantarum nihil certi conferre possint. Redeundum igitur ad fibras, quas contra



præcipuas esse plantarum partes, jam patet. Nam totum earum corpus unæ componunt substantiamq; ac consistentiam largiuntur. Ego vero jam ante monui hanc vane, in discretionem corporum substantiam primo habendam loco, modos ejus & reliqua postremo. Cognoscitur ergo, in supremis plantarum differentiis terminandis has considerari, has spectari unice oportere. Adjungendam existimaverim alteram substantiam utricularem, medullaremq;, sed vereor hos favos, has caveas penitus cognoscere, industriæ humanæ vires ut superet. Neq; enim ambigo, propriam esse cuilibet plantæ, & domesticæ earum fabricam, non magis quam viscerum in animalibus poros perspicuam oculis, præsertim in radice, cui inditum forte & fermentum, simili modo varium, alias enim omnibus idem liquor exprimeretur. Ex fibris igitur prima reliquæ inferiores differentiæ ex dissimiliaribus earumq; varia ratione dijudicandæ sunt: cortice, radice, trunco, brachiis, foliis, floribus, fructus si modo fructus & semina in hunc censum admittenda: quod difficulter potest credi, cum non nisi dum imperfecta sunt, cum iis coherere, absoluta, decidant, idq; sponte: nulla enim aeris injuria, nulla violentia tentata, excutuntur.

In quibus optime sane prævit notissimus æq; ac antiquissimus auctor *Theophrastus*, qui priori loco substantiam respiciens in arbores, frutices, suffrutices ac herbas omne genus plantarum dispescuit, deinde ad dissimilares, completasq; partes convertens animû, hanc dissimulavit modos varios considerationis, quibus hæc subsunt. *Partium*, inquit, *differentiæ in tribus consistunt: Aut enim in eo, quod quadam habent, quadam non habent, ut folia, fructus, aut quod non similiter, neq; paria habent; aut quod non similiter habent.* Dicit sane quod res est: ita enim hæc habent, ut in animalium regno: Natura semper ad finem intenta, nihil frustra, nil temere producente. Est autem plantarum finis, ut arbitror, minime in obscuro, siquidem animalium tam nutritioni quam valetudini inserviunt: vescuntur verò alia aliis, tam ad vitam, quam valetudinem sustendendam: unde tanta earum varietas. Nam brutis quoq; alterû familiare, ex interno instinctu, si modo observationibus antiquis sua constat fides: isq; primarius usus: deinde & hominum domesticæ utilitati, quædã dicatæ foco, ædificiis, navibus struendis, sine secundo:



An & oculorū oblectamēto indulſit aliquas benignitas Numinis? Non negandum videtur. Quid enim aliud ſibi vult ſuperbiſſimus liliorū vultus, ſub Tuliparū nomine coloribus ex quiſitiſſimus nullæq; arti imitandis ludentiū: nec reliqui flores in fulciendam ſemper valetudinem vacillantem potius quam ſpeciem quandam, ac oſtentationē divitiarū Naturæ videntur tanta ſpecie ſuccreſcere. Verum hoc quicquid eſt, negligendū jam nobis fas erit, & primarium illud, remq; ipſam putare. Cum ergo multarum in utrumq; uſum folia expetantur, non flores, non ſemina, in aliis truncus, caulis, (ut in viminibus, juncisq;) in aliis radices, hoc ipſum in cauſa eſt, quod aliquæ aliquibus deſtituantur, modo his modo illis. Deinde & hoc conſequitur: ſemen non eſſe communem plantarum finem, ut nonnulli hodie nobis voluerunt perſuaſum: nec forte aliam partem, quamcunq; etiam nominaveris. Exempla aſſertionis poſcitis? Filix, polypodium, totumque capillarium genus, ex quo Scolopendrium, Lingua cervina, trichomanes, quid valeant in arte, noſtis: ſed folia, unde nec ultra procedunt. At in quibus ſemen ex uſu eſt, illæ omnes pluribus indigent, pleræque omnibus gaudent partibus, præſertim frugiferæ, ad concipiendum, fovendum, tutandum: Tot ſcilicet ac tales quælibet ſortita eſt, diſſimilares partes, quot erant neceſſariæ ad ſuccum idoneum ultimo ſuo fini præparandum, illumq; cuſtodiendum. In radice enim ſit præparatio, ibique tamdiu detinetur, digeriturq; ex terra intruſus humor, dum principium ejus quod fuſurus eſt, & veluti tincturam quandam cepit: hinc in utriculis per corticem caulemque diſpoſitis moratur & ultra depuratur, tum fertur per venas in prægnantes novo fœtu gemmas, quas multiplex cuſtodit membrana, ut ſlos deniq; fructum: in quo ultimam mutationem ſubit humor, terminumque attingit poſtremum.

Verum hæc quid ego ad VOS? omnium iſtorum ſcientiſſimos, & quid crambem hanc recoquo? qui jam & reliquis ſuperſedere poſſem, veſtrisq; occupationibus parcere. Patiamini tamen, quoniam huc perveni, & vos induxi ad legendum, ut perducam ad finem quod ceppi, & quo pacto hæc ad rem propius applicari poſſe exiſtimem, ediſſeram. Incipiam itaq; primam illam diſiſionem a ſubſtantia ſeu

materia ipsa petitam, recolere, deinde ad alterum genus, dissimilari-um, & inferiorum descendam.

Fibræ itaque, non unus esse generis, ad oculorum fidem judica-tur. Aliæ duriores sunt, compactæ, & firmitudine sua validæ, aliæ molles, infirmæ, tenues, aliæ mediæ naturæ.

Primi generis ligneas vocare licet, consensu mortalium, secundi herbaceas, postremi Lignosas ut dicam, concedatis mihi: quales in Ligustro, Corno fœmina, viburno, Spirœa, Rhamno, deprehendere est, Syringa spuria, Agno, Casto perperam dicto, genista: sed & co-rylo, Alaterno, Pyrocantha, & aliis permultis. Quas differre inter se dicto modo, non facile forte fuerit, qui ausit negare. Et has primam supremamq; differentiam plantarum constituere, fas putaverim, idq; fieri Naturæ duce, usu magistro, experientia teste. Conveniens enim, (repeto) in summo genere earum constituendo illud assumere, quod omnibus commune est.

Porro autem, Lignearum fibrarum non nisi in illis occurrit copia, quæ altius, unove trunco e terræ superficie ascendunt, uno verbo: arboribus, ubi caudicem ramosque formant: Si in aliis reperis, ut oxyacantha, præcisis perpetuo ramis novellis, coguntur, ut a naturæ lege degeneres, crassescant, truncumq; contrahant veluti invitæ, quem etiam annosæ vites, sed nodosum, & recurvum fastidiose exhi-beant. Lignosæ conspiciuntur in fruticibus, suntq; ligneis minus firmæ, compactæ, solidæ indeq; hi multi caules, & repressæ proceritatis. Molles & infirmæ ad herbas pertinent, iisq; potissimum consecratæ.

Quo ipso jam facile VOBIS patet, quorsum abeant, quæ tam pro-luxe hætenus exposui: Scilicet, non esse parvi faciendam vulgatam dudum divisionem, quam non modo optimus Naturæ vegetantis in-terpres Theophrastus tradidit, sed recepit etiam, & suffragio perpe-tuo firmavit omnis posteritas, indocile etiam sponte agnoscit vulgus totumq; adeo humanum genus: tam est evidens, quippe in ipsa plan-tarum essentia fundata, nec a magnitudine sola, sed substantia, ma-terietq; ac formæ (nihil enim huic verbo post eum, quem supra ipse re-sistui verum sensum, metuo mali) ratione exsculpta, per necessita-tem ex hac fibrarum natura consequente. Itaque nihil mihi alieni a

vero

vero proferre videor, contendendo, hac veluti natura notam, quippe in quam consentiunt docti indoctique omnes, servandam, & tanquam primam, in supremo loco collocandam. Neq; enim ex imperitia illiteratis familiarieam esse natum suspicio incidere potest; postquam in ipsa natura fundatam ostendi. Hæc scilicet sponte se ingerit animis mortalium: & si vel ex ipsa rusticorum gente primum sit ad nos allata, non rejicienda erat tamen, cum Ruricolis ista omnia longe sint propiora notioraq; quam Philosophis: Quin in his plus sapit interdum vulgus, quam Philosophi, cujus sensum ingenii procacitas, & confidentia sui haut raro corumpit, dum ille simplicitate animi, naturæ mentem sincerius percipiat, ab his ergo accipere par erat, & expendere: nec dubitandum amplius, posteaquam eam meditatio sapientum per secula consentientium comprobavit.

At enim de suffrutice non modo male inter doctos convenit, verum & indocti nunquam solent cogitare. De prioribus nihil habeo quod dicam: nolim sane in tanta rei obscuritate de mente Theophrasti quicquam temere statuere. Interea tamen hoc certum est, Esse aliquid inter herbam ac fruticem mediæ naturæ, quod sine dubio ipsis in animo fuit. Cremium præterea a cremari dictum, ut *Φρύγανον* a *Φρύω*: quibus ea notantur, quæ exuri quidem solent in flammam tamen luculentam haut exurgere. Qualia deprehenduntur, quæ vel mediis sunt inter herbaceas & lignosas fibris, ut farramenta, vel utriusq; generis permixtis constant: quæ quidem non facile ad hominis altitudinem, extollunt caput, cum frutices illam superent. Iterum ad Colonos respiciamus, & quidem nostrates homines: An non licebit cum illis discernere *Wäume* / *Stauden* / *Buschwerk* / *oder Hoffwerk* / *Kräuter*? Ipsi judicabitis, & rectius.

Haut equidem me fugiunt multæ, magnæq; difficultates quæ hanc premere videntur distinctionem, speraverim tamen eas posse superari, si in id incumbamus, VOSq; cum primis conferaris symbolum, diligenti fibrarum consideratione. Nam ex his non potest non & justa ætate acquisita magnitudo & robur plantarum provenire. Et ut tentemus fortunam, id mecum expendite: Ligna ad maturam firmitudinem perducta flectere conantibus resistunt, Lignosa his propiora inflexa



inflexa cum rigiditate resiliunt, si tenera, si adulta, franguntur, ut corylus, hærba non resistunt, nec dum frangere coneris obediunt, sed fibrarum rigiditate vicedente, pender eorum infractum caput, vel si rumpi sint apta non asseris, sed caulis in modum disiliunt. Mediæ inter fruticem herbamve nec franguntur facile, sed resiliunt mediocri elasticitate ac molliter. Agnoscis RIVINE CLARISSIME το καυλῶδον & χεδον Chirurgorum. Hoc ligneis fibris ac lignosis proprium: illud herbis crassiore caule: non frangi. nec fortiter resilire, reliquis, & forte suffruticibus. His indicis multæ in arboream altitudinem excrecentes plantæ a veris arboribus, fruticibusve discernere licebit. Ut Malvas, maximæ etiam proceritatis, quæ herbaceas esse patet, ut & blita, Amaranthus perperam vocata: Ricinum etsi in Creta arbores æquet: Sedum, quodvis, ipsum etiam fruticosum, nam de arboreo apertum est nimis, plantam esse caule crassiore: Vitis hinc etiam & hedera arborea, & quicquid est scandentium, se prodit statim, etsi hæ primo intuitu lignæ videantur. Annosam itaq; Colchidis vitem arboris altitudinem assequi, credo, naturam induere vix persuadeor. Hinc & Leucoja, annua (talìa vero naturâ videntur esse omnia) ad suffrutices haut retulerim, quod καυλῶδως frangi idonea sint. Nec de humilibus lignosis tamen aspectu plantis dubitandum, Serpillo, Erica, Vacciniis, Majorana, Lavendula, Hyssopo, Ruta, abrotano: quorum fibræ ut lignæ videantur, vix tamen lignosæ sunt, nec justum acquirunt robur, etiam si ætate, effectæ succo, arescant, lignumq; mentiantur.

Neque hoc obstare videtur, quod ejusdem generis plantæ in arboribus & fructibus aut herbis reperiantur, ut Buxus, Sambucus, Juniperus, Alcea, Cistus, Xylon, Salices. Sit enim: An non in animalibus par ratio habetur? Homines ipsi marina monstra sibi similia capiunt, suntq; volantes pisces, & pedestres volucres, ut Pinquien: sunt Vaccæ marinæ, est equus, quæ tamen ad alterum genus referuntur ab omnibus minime sub eodem cum terrestribus collocant. Sed forte etiam quod dicitur de plantis, secus habet ac prima videri possit fronte. Buxus sane arbor videtur natura cujus vidimus integras in Anglia & Brabantia silvas, tonsura vero assidua per sexennium, circiter,  
nec



nec ultra tamen, coercetur, ut humilis appareat. Ebulus sambuco similis est, haut sane ejusdem generis; Juniperus arbor est: vitio loci, vel incolarum rapaci manu deprimitur, permultæ enim arbores utascendant in culmen cultura opus habent: nisi a ramorum luxurie purgentur, fruticosam horridamque faciem contracturæ. In his est ipsa Quereus, Alnus, Pinaster, ut contra herbæ & suffrutices cultura arborescunt: sic Alceæ & Altheæ omne genus herbaceum esse vel si mavis, suffruticosum, existimo ipsam Hermiæ & Olbiæ Altheam arborescentem non excipiens: frangite, & inspicite scapum. Multæ sunt aliæ, quæ in proprio natalique solo annuæ videntur quia fructus maturitatem in nostro attingere nequeunt nobiscum perennant in alterum, tertiumque vitam protrahunt, ut Malva Veneta maxima; & si media æstate semen maturum habent, novas concipiunt gemmas, protrudunt iterum folia, ramosque moliuntur. Cisti in Gallia Narbonensi suffrutices vel herbacei, his locis in arborum speciem excoluntur, ut cum Lauru certent pulchritudine. Nec Xylon arborescens aliud quam frutex vel herba prolixior. Indicium est: quod fruticem etiam vocent Botanici aperte, quasi dubitent, cum formidine locuti. Salix quælibet sibi relicta, arbor futura est, etiam rotundifolia pumila: quam vidimus reliquas omnes æquantem, ingenti lanuginis copia late per campum sparsa fecundam utilissima, nisi peregrinis pene solis inhiantibus libeat in domesticis cœcutire.

Postremo nec illud nos movere debeat, si quæ sint, de quibus, qui accenseas generi, ambiguum videri possit. Si enim in animalibus amphibia sunt, quidni & in plantis dubia, quædam & inter alias media concedamus, citra injuriam philosophiæ, quæ naturæ est iuterpres, legesque non ferre, sed ab ea accipere, debet, aut acceptas promulgare.

Sed horum VOS fortassis jamdudum cepit tædium, CLARISSIMI VIRI, & expectatis, ut ad conatus vestros accedam propius, & de novissima controversia aliquid addam. Faciam si veniam da-

ris, tanto lubentius, quod illam ab humanitate vestra mihi certo promitto, & res ipsa me id postulat: Neque enim supremam hanc plantarum divisionem proposuisse sufficit, sed descendere ad ipsas, & individua, si fieri potest, oportet, & ex quo capite Arbores, frutices, suffrutices herbas in inferiora dispescamus, subjungendum. Quod jam antea innui, ex dissimilaribus ad tria illa attendendo, quæ ex Theophrasto memoravi, moliendum esse. Proximum autem summo est, quod quædam habent partes aliquas quædam non habent. Quæ enim omnes habent, perfectissimæ sunt. Verum in arboribus vix erit quæ aliqua careat, præter ficum: ergo hic compendium erit divisionum. Julos tamen aliquæ proferunt, ut Juglans, Alnus. At in plantis plurima occurret hic varietas. In eo vero, quod quædam non similia habent, neque paria, nec similiter, inferiores invenire licebit, & postremas differentias: ex lege, ut quæ plurimas vel omnes dissimiles habeant, ut malus & Cupressus, plurimum etiam distent, quæ pauciores, minus: ut malus ac pyrus: Hinc renascitur Pomiferum, coniferum, nuciferum genus: & in plantis Umbelliferæ & frumenta & bulbosa hexapetala, quæ longe admodum distant: non tantum autem frumenta & gramina, bulbosa, hexapetala, & monopetala difformiter secta, ut Irides.

Hæc omnia præmittenda putavi, antequam ad nobilem illam disceptationem vestram perveniam: an ex una & sola parte possit ac debeat plantarum quodvis genus dijudicari. Nunc autem cum in plerisq; non una sed multæ diversæ sint, nec similes scilicet, nec pares, illuc quærendum demum venit. Cui ne assensum meum protenus præbeam, vobisq; illico accedam, quæ obstant quæso bono æquove animo percipite: Primum hoc erit, quod forma rerum, non in una sed in omnibus contemplanda obveniat, id quod, nisi me fallit animus, jam antea satis ostendi. Alterum est, quod nulla sit pars qua gaudeant omnes, quod idem etiam est liquidum. Ast illa ex qua essentialis differentia adeoq; communis omnium, sit arcessenda, essentialis sit oporteat, cunctisq; communis, nam id quoq; reddidisse me manifestum arbitror. Tum vero & hoc mihi expendite, si talis aliqua pars sit præferenda, reliquis, an non præcipua potius ac dignior, quam

quam alia vilioris existimationis, foret eligenda: ita ut, tametsi communis omnibus aliqua existeret, nondum tamen apta existimari hinc possit, quæ ad tam illustre officium secure adspiceret cum in hoc genere cæteris vel despicientibus vel minus conspicuis, præcipua quidem sit, verum in alio vicissim cedere locum cogatur, & digniori relinquere.

Ut enim in omnibus a potiori existimatio est, ac denominatio, sic etiam in his fieri æquum videtur. Id vero quod modo asserui, non unam eandemque partem in omnibus pariter præcipuam videri posse, non minus reliquis puto esse manifestum. Dignitas enim hæc ex fine existimanda, ut illa cujus gratia & reliqua sint, & planta ipsa producta præcipua haberi debeat. At non eundem finem in cunctis natura propositum, sed multiplicem, evicimus; alios quippe in cibum alios in medicinam, alias in alium usum simul vel etiam unico, eumque domesticum nobis exortas benigno fidere. Ut Xylon; quod ut vestiat hominem, & illi tegumenta præbeat, datum quis negaverit? Aliæ arbores, & quidem pleræque fructus edules profine habent, vel hominibus vel aviculis cibum suppeditantes, æque ac frutices, nonnullæ etiam suffrutices ac herbæ: quamvis & foliis, ramulisve tenellis capræ delectentur; imo iisdem etiam boves saginati legantur Romanis: Quod cum *Phædrus* nos docet, *Fab. XXXIX.* ubi V. 11.

*Frondem bubulcus affert,*

& mox quærit Dominus, v. 23.

*Cur frondus parum est?*

Tnm *Horatius Ep. 1, 14.*

*bovemque*

*Devinctam curas, & strictis frondibus explet.*

Vidimus etiam ipsi Elephantem Versaliæ, Galliarum Regis delictis, in aperto campo, haut procul a Regis vivario salices, aliarumque arborum tenellos ramos depascentem. Iterum hoc in defectu alius pabuli fieri existimandum est. Notum enim, hunc in In-

dia gramina haut facile invenire, in Asiaque frumentis vefci. Nec in Italia illa facile obvia dari ea copia, quæ pascendis bobus fufficiat: Est enim ficca per æflatem tempeftas, & impluvia, nec cælum fitientia prala facile explet; ut itaque in Arboribus plerumq; fructus præcipua haut dubie pars habenda fit. Quod etiam defrumentis verum eft. Gramina vero ad nutrienda animalia quadrupedia præcipue data, quibus non fermen, fed herba unice expetitur, quin pabulo, cum fermen maturum eft, tantum non proffus inutilia deveniant deftinato muneri, certe, multum inferiora viridantibus, & recentibus foliis & in vigore exiftenti plantæ, & florenti. Rosam, caryophyllos, aliasque innumeras florem præcipuam partem naftas, patet plane scolopendrium, adianta, cicchoracea, intibacea, bralficæ genus, spinachiam, folia fermen aut radicem umbellifera præcipue, filiquofa filiquam. Nec dicat aliquis, in fêmeine definere omnem plantæ energiam: effeque illud ultimum finem: duplex enim eft, publicus, animalium gratia & privatus fui, hoc eft propagationis. Publicus vero fine dubio privatum dignitate vincit, nec ab hoc, fed ifto pronuntiandum eft.

Ergo inquitis, vix florem, vel fermen, vel quodvis aliud ad hoc unice feligendum eri? Imo ne vix quidem: non enim hoc conamen naturæ fed ingenii opus videtur, quod vel diffenfus vefter declarat: dum alii fola cum capsulis femina, alii flores cum perianthis, alii utrumque junctim feligitis. Si enim ex Naturæ lege id fieret, profefto accideret quod veritatis *κρίσιμον* Cartefius non omnino abfurde conftituit, ut ifta ratio maxime fit evidens, femelque intento digito, omnibus illic talis appareat, fapientibus faltem, & rei herbariæ gnaris. Et quid eft, obfecro, quod per tot fecula Natura fcrutatorum nulli ejus rei in mentem venerit, cum tot fummi ingenio, maximi experientia, induftria indefeffi in hoc opus fedulo incuniberent. Nec enim explebit animum jaftata feculi felicitas, & exempla plurima recenter inventorum. Nam illa fere in experimentis & fingularibus quibusdam confiftunt; Aft



longe diversa res est, universalia condere, & eruere aliquid commune; in quibus non æque felices esse deprehendo nostrates, nec cum veteribus comparandos: aliud etiam abscondita in intimis corporum penetralibus ignorare, aliud cœcutire in apertis & quæ oculis omnium exposita sunt.

Non ergo unius aspectu partis, sed probe perpensis in qualibet planta singulis & si una sit eligenda, præcipuâ reliquis propositâ, de genere cui adscribenda judicandum putaverim.

Quæ tamen omnia non in hoc a me dicta existimari velim, ac si omnem vestram in seminibus ac floribus exquisitè peruestigandis industriam damnam, aut tanquam vanam rejiciam. Non enim id duntaxat ex ea, ad eruditionem botanicam commodum redit, ut multo exactior utriusque partis notitia nobis sit comparata: sed is forte est Naturæ consensus, ut quamvis flores vel semina partes neque essentielles plantarum, nec præcipuas haberi perpetuo possint, communi cunctarum collectione formalem rationem denum implente, unaq; in hac, alia in ista habenda sit potior, tamen & flores vel semina singulis generibus diversa sint, eaque distinguere idonea: ita ut etiam ex illis fiat: felix inferiorum saltem generum existimatio. Nam ad summa inutilia esse, nimis puto jam esse in aperto.

Quis enim æquo animo ferat, pomiferas arbores cum herbis sic dictis cucumere, cucurbita, colocynthide, solanis quibusdam in eadem classe comparare, & vicissim alia solana inter bacciferas? Quis Anagyrin humillimis plantis, papilionaceo flore, vel ut nunc loquuntur, galeatis, vicinæ flore luteo, pani porcino, pifis, Phascollis poni adlatus? qualia sunt non pauca apud harum rerum gnarissimos. neutiquam mihi commemoranda.

In inferioribus autem, locum illis esse, putamus, eo inter alia etiam argumentq compulsi, quod in animalibus idem fieri videmus: quorum genera, etsi non ex una, sed omnibus partibus collatis cognoscuntur, caput tamen & facies etiam sola ad ea internoscenda perutilis est. Id interim nullus dissimulabo, me in ea esse

sententia in arboribus & fructibus multo commodius ex fructu quam flore genera dijudicari credam esseq; idem naturæ legi convenientissimum, quod finem ultimum ac primum fructum ut destinatum video, & publicum privatumque hic plerumque conjunctum; Unde arbores & frutices non pauci florem viliores, nec admodum conspicuum, aut verum, & cum fructu coherentem exhibent; fructum vero magis obvium ac speciosum, quique vel hominibus, vel aliis animalibus in cibum aut insignem aliquem usum denique cedat.

Et verò quam hæc in facili sit methodus in arboris & elegans, perspicuum est ex eo quod nuper edidit Magni illius Bataviæ, Botanici, Hermanici discipulus Zumbach in Flora Floræ specimen luculentissimum; nec dubitandum, in fruticibus eadem facilitate successurum.

At herbarum & forte etiam suffruticum alia est ratio: nec tamen illa universis eadem: Nam Frumentaceæ, Cucumerinæ, Leguminosæ omnium maxime conspicuum fructum exhibent capillares, musci, fungi earum appendices, ex flore vel nihil vel parum ornamentum accipiunt, reliquæ vero pleræque omnes, non magis foliorum quam florum pulchritudine se ingerunt oculis, animisque commendant: itaque in his saltem ad flores poterit præ ceteris animus adjici.

Apprime autem hic ad rem botanicam in melius provehendam utile existimaverim, monere, aliud spectandum esse in plantis per genera describendi aliud in iisdem cognoscendis juventuti esse proponendum. Et quemadmodum a potiori parte, denominationem generis unice petendam existimo, ut in tybaceæ, gramina, frumenta, pomiferæ, coniferæ, leguminosæ, verticillatæ audiant, sic in earum cognitione ad florentes maxime attendendum. Cujus rei multæ sunt causæ. Primum enim ut supra monui, an fructus pars plantæ habendæ sit, dubitari potest. Deinde qui semina & caprulas seminales in pernoscentis plantis occupatos jubeat inspicere, idem mihi videntur agere quod illi facerent, qui ad criminalium notitiam acquirendam juberent eorum uteros eruere, fœtumq; cum partibus genitalibus intueri. Quod ut haut parum molestum, sic valde etiam

etiam absurdum nemini non arbitror appariturum. Etenim capsula seminalis uterus plantæ, in quo proles continetur, mox inde ejicienda.

Præterea omnibus in eo convenire mecum putaverim, tum optime quamlibet rem cognosci, dum perfecta est, omnibusq; numeris absoluta: perfectæ vero existimari plantæ non possum. nisi cum floris honore superbiunt. Ut enim videmus, animal quodvis non nisi cum flore ætatis attigerit, justam staturam, membrorum concinnitatem, propriamq; speciem præ se ferre, sic etiam planta in flore constituta, quæ tum animali adolescenti assimilari commode potest, estq; in statu perfectissimo; contra dum fructum profert maturumq; excutit, vetulæ instar apparet, jam exarescentis, & rugosæ. Fæminæ quoque nostræ ad prolem procreandam datæ, quis verocam ex utero potius aut editis infantibus judicet, quam virginco in statu, vel novæ nuptæ constitutam? Est vero & planta florens parvæmînæ, sæcundæ, primum prægnanti, qui status hujus generis Philosophis judicatur perfectissimus.

Uterius: quod homini vultus est, quod omnibus animalibus os, id flos est plantæ: perianthium vero velamentum quoddam quo caput involvitur: decus & tutamen, in quo nonnunquam etiam naturæ forte luxuriat; ut habeat formosior sexus, quo capitis ornamenta ad luxum & majestatem composita virorum severitati legumq; rigori excuset: Hoc autem addito, florentes herbæ veluti nationes ac cives ejusdem urbis aut provinciæ, propius se dabunt cognoscendæ.

Ex quo apparet excellentia ingenii Tui, RIVINE FLORENTISSIME, & felicitas quæ in hoc conatu impetuque, quo ad flores plantarum, impulsus es, applausum Tibi doctorum spondet, invitis illis, quæ Olaus Rudbekius filius, (ex mentene celeberrimi Hermani, an suæ?) adversum hæc protulit: ad quæ, quantum perspicio, non admodum difficile est respondere. Sed habes æmulum Gallum; *Pistonem Tournefortium*, qui quantum ex inspectione tumultuaria nuper judicare licuit, idem tecum non modo suscepit, opus, verum & absolvisse sibi videdetur.

Et hæc habui quæ, cum nuper ea quibus dissidetis conferrem, inter

ter legendum occurrerent, mox animo, vobiscum placuit communicare: quæ in id ut accipiatis, atq; ego perscripsi, opto rogoque. Si quid peccatum in hoc aut minus probe pensitatum occurreret, vos volo me ea, nulla adjutum librorum suppellectili scripsisse, omnibus enim libris meis inque id argumentum collectis jam per semestre spatium & ultra singulari fato cogor carere: quo facilius ut otium falleret, in hanc scriptionem inductus sum.

Utinẽm ego commũne vestrum quod agitis, imo publicum opus  
his non solum, sed solido aliquo & exacto labore possem juvare, &  
quæ hic jeci fundamenta, prosecui meoq; vicissim loco queam ex-  
colere: sed vix est ut in his quicquam VOBIS promittere auserim, præ-  
ter catalogos forte aliquot, observatarum alicubi a me plantarum.  
Nam vacavi quidem herbarum studio prope a teneris, idq; postquam  
Doctoris publici aliquod imperii Principũ jussibus auctoritateq; in me  
suscepi, per plus quã tria lustra indefessus usq; exercui: at nunc & tem-  
pus, & munus nuper demandatum, & vitæ conditio, ipsa deniq; ætas,  
animum quoq; terens, ut Poeta ait, ab hoc jucundissimo studio me re-  
vocant atq; arcent: neq; enim hæc fert amplius, ut sicut ante, Valles,  
montes, prata, Sylvas, flumina perreptem sedulus, pererremque va-  
stos terrarum tractus: deest postremo & illa, quæ adhæc summe ne-  
cessaria est, horti commoditas.

Tanto igitur magis mihi gratularer, si ex his forte accedere dige-  
rendis in classe Floræ divitiis vel aliquam utilitatem, accessisse in-  
tellexerim, quo ulteriores in diffusissima illa scientia faceremus por-  
ro progressus: Nam absolutissimam rationem, omnibusq; numeris  
perfectam, frustra fortassis miser mortales quærimus, Natura nul-  
libi exactam, & ad mensuram, Geometræ exquisitam certitudinem  
permittente: ut videri posset non minus monstris suis, ac permixtis  
varie inuicem generibus, quam quod crucem nobis figat, & vel Ar-  
chimedeos circulos turbet delectari. Valere diuque in publi-  
cum commodum felices agite.

*Dab. Kilonia, ipsis Calendis Augusti M DC XCV.*

